



SLUŽBENE NOVINE

KANTONA SARAJEVO

Godina XXI – Broj 9

Četvrtak, 3. marta 2016. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 33. sjednici održanoj 26.02.2016. godine, donijela je

ODLUKU

I

Odobrava se unos i evidentiranje u finansijskim izvještajima Kantona Sarajevo više stvorenih obaveza pojedinih budžetskih korisnika koji prelaze iznose odobrene u Budžetu Kantona Sarajevo za 2015. godinu, kao i obaveza po izvršnim sudskim rješenjima po osnovu tužbi uposlenika iz radnopravnog odnosa sa stanjem na dan 31.12.2015. godine, kako je sadržano u Izvještaju o popisu sredstava, obaveza i potraživanja Kantona Sarajevo za 2015. godinu, usvojen Zaključkom Vlade Kantona Sarajevo, broj 02-05-5453-11/16 od 26.02.2016. godine.

II

Ministarstvo finansija je obavezno poduzeti sljedeće aktivnosti za realizaciju Zaključka Vlade Kantona Sarajevo iz tačke I ove Odluke, a po Izvještaju Centralne popisne komisije:

1. Odobriti operativna sredstva za obaveze iz tačke I ove Odluke.
2. Obaveze iz tačke I ove Odluke evidentirati u glavnu knjigu Trezora.

III

Za provođenje ove Odluke zadužuju se ministarstva, uprave i službe, svako u okviru svoje nadležnosti.

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-5453-13/16
26. februara 2016. godine
Sarajevo

Premijer
Elmedin Konaković, s. r.

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo na 19. vanrednoj sjednici održanoj 29.02.2016. godine, donijela je

ODLUKU

O VISINI CIJENE CENTRALNOG GRIJANJA KJKP "TOPLANE - SARAJEVO" D.O.O. SARAJEVO

I

Utvrđuje se visina cijena centralnog grijanja KJKP "Toplane - Sarajevo" d.o.o. Sarajevo po kategorijama kako slijede:

KATEGORIJE PROSTORA	Jedinica mjere	Fakturiše se	Visina cijene centralnog grijanja
1	2	3	4
1. OBJEKTI BEZ MJERENJA TOPLOTNE ENERGIJE			
1.1. Korisnici - domaćinstva			
Domaćinstva - cijena za jedinicu isporučene energije	KM/m ²	7 mjeseci	1.2742
Domaćinstva - cijena za jedinicu priključne snage	KM/m ²	12 mjeseci	0.5136
Domaćinstva - paušal (ukupna godišnja cijena grijanja raspoređena na 12 mjeseci)*	KM/m²	12 mjeseci	1.2569
1.2. Korisnici - poslovni prostori			
Poslovni prostor - cijena jedinicu isporučene energije	KM/m ²	7 mjeseci	2.3581
Poslovni prostor - cijena za jedinicu priključne snage	KM/m ²	12 mjeseci	0.8732
Poslovni prostor - paušal (ukupna godišnja cijena grijanja raspoređena na 7 mjeseci)*	KM/m²	7 mjeseci	3.8550
2. OBJEKTI SA UGRADENIM MJERAČIMA			
2.1. Stambeni objekti sa ugrađenim mjeracima u kolektivnom stanovanju			
Domaćinstva - cijena za jedinicu isporučene energije	KM/kWh	kad se troši	0.0676
Domaćinstva - cijena za jedinicu priključne snage	KM/m ²	12 mjeseci	0.5136
2.2. Poslovni objekti sa ugrađenim mjeracima u kolektivnom stanovanju			
Poslovni prostori - cijena za jedinicu isporučene energije	KM/kWh	kad se troši	0.0947
Poslovni prostori - cijena za jedinicu priključne snage	KM/m ²	12 mjeseci	0.8732

2.3. Poslovni samostojeci objekti sa ugrađenim mjeračima			
cijena za jedinicu isporučene energije*	KM/kWh	kad se troši	0.0947
cijena za jedinicu priključne snage*	KM/kW	12 mjeseci	5.0971
3. SPECIFIČNI OBJEKTI SA MJERAČIMA			
cijena za jedinicu isporučene toplotne energije - linearno (specifični kupci)	KM/kWh	kad se troši	0.1185
4. ISKLJUČENI KORISNICI			
4.1. Isključeni korisnici u kolektivnom stanovanju			
4.1.1. Domaćinstva	KM/m ²	12 mjeseci	0.5136
4.1.2. Poslovni prostor	KM/m ²	12 mjeseci	0.8732
4.2. Isključeni poslovni prostori u poslovnim objektima (tržni centri i slično)			
4.2.1. Poslovni prostor	KM/m ²	12 mjeseci	0.6549
4.2.2. Poslovni prostor (kW)	KM/kW	12 mjeseci	3.8228
4.3. Isključeni korisnici u nizu			
4.3.1. Domaćinstva	KM/m ²	12 mjeseci	0.2568
4.3.2. Poslovni prostor	KM/m ²	12 mjeseci	0.4365
4.3.3. Poslovni prostor	KM/kW	12 mjeseci	2.5485
4.4. Isključeni slobodnostojeći objekti (u slučaju rezervacije kapaciteta)			
4.4.1. Pojedinačne stambene kuće	KM/m ²	12 mjeseci	0.1284
4.4.2. Poslovni objekti	KM/m ²	12 mjeseci	0.2183
4.4.3. Poslovni prostor (kW)	KM/kW	12 mjeseci	1.2743

Cijene su bez PDV-a

II

Zadužuje se KJKP "Toplane - Sarajevo" d.o.o. Sarajevo da cijenu centralnog grijanja primijeni od 01.01.2016. godine.

III

Za realizaciju ove Odluke zadužuje se KJKP "Toplane - Sarajevo" d.o.o. Sarajevo.

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-6031-1/16
29. februara 2016. godine
Sarajevo

Premijer
Elmedin Konaković, s. r.

Na osnovu čl. 26. i 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 12. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03) i člana 12. stav 3. Zakona o Kantonalnoj agenciji za privatizaciju ("Službene novine Kantona Sarajevo", broj 6/97, 7/00 i 19/11), Vlada Kantona Sarajevo, na 33. sjednici održanoj 25.02.2016. godine, donijela je

RJEŠENJE

O RAZRJEŠENJU DIREKTORA KANTONALNE AGENCIJE ZA PRIVATIZACIJU SARAJEVO

I

Sead Kamarašević, dipl. ecc., razrješava se direktora Kantonalne agencije za privatizaciju Sarajevo.

II

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-5453-21/16
25. februara 2016. godine
Sarajevo

Premijer
Elmedin Konaković, s. r.

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 12. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03) i člana 12. stav 3. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Vlada Kantona Sarajevo, na 33. sjednici održanoj 25.02.2016. godine, donijela je

RJEŠENJE

O IMENOVANJU VRŠIOCA DUŽNOSTI DIREKTORA KANTONALNE AGENCIJE ZA PRIVATIZACIJU SARAJEVO

I

Sead Kamarašević, dipl. ecc., imenuje se za vršioca dužnosti direktora Kantonalne agencije za privatizaciju Sarajevo, na period od izbora direktora u redovnom postupku, a najduže tri mjeseca.

II

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-5453-22/16
25. februara 2016. godine
Sarajevo

Premijer
Elmedin Konaković, s. r.

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 33. sjednici održanoj 25.02.2016. godine, donijela je sljedeći

ZAKLJUČAK

- Odobrava se preraspodjela sredstava u Budžetu Kantona Sarajevo za 2016. godinu u iznosu 20.000 KM i to:
 - sa razdjela 11010001 Kabinet Premijera** sa ekonomskog koda: 614300 BAN005 - Sufinansiranje projekta civilnog društva u saradnji sa Američkom ambasadom i Američko-Bosanskom fondacijom i Evropskim pokretom u BiH - 20.000 KM
 - na razdjel 22010001 Ministarstvo kulture i sporta Kantona Sarajevo** na ekonomski kod: 614300 MAN025 - Takmičarsko razvojni sport - 20.000 KM
- Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-5453-20/16
25. februara 2016. godine
Sarajevo

Premijer
Elmedin Konaković, s. r.

Ministarstvo pravde i uprave

Na osnovu člana 7. stav (2) Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02, 22/02 i 30/08), ministar pravde donosi

PRAVILNIK**O IZMJENI PRAVILNIKA O SLUŽBENOJ
LEGITIMACIJI TUŽIOCA**

Član 1.

(Izmjena člana 4.)

U Pravilniku o službenoj legitimaciji tužioca ("Službene novine Kantona Sarajevo", broj 34/08), član 4. mijenja se i glasi:

"Član 4.

(Sadržaj, izgled i oblik službene legitimacije)

- (1) Službena legitimacija se sastoji od tri dijela:
 - a) kožna dvostrana futrola;
 - b) plastificirana iskaznica;
 - c) mesingana iskaznica.
- (2) Službena legitimacija je pravougaonog oblika zaobljenih krajeva, dimenzija 54 mm x 85 mm i izrađuje se od plastičnog materijala.
- (3) Prednja strana službene legitimacije je crvene i plave boje i sadrži slijedeće elemente:
 - a) Memorandum sa tekstom: "BOSNA I HERCEGOVINA, Federacija Bosne i Hercegovine, Kanton Sarajevo, Kantonalno tužilaštvo Kantona Sarajevo";
 - b) Grb Kantona Sarajevo;
 - c) naziv "Službena legitimacija";
 - d) Funkciju (GLAVNI TUŽILAC, ZAMJENIK GLAVNOG TUŽIOCA, TUŽILAC);
 - e) jedinstveni matični broj nosioca službene legitimacije;
 - f) fotografiju nosioca službene legitimacija dimenzija 23 mm x 30 mm.

g) serijski broj legitimacije.

- (4) Stražnja strana službene legitimacije je bijele boje i sadrži tekst koji glasi:

"Ovom službenom legitimacijom se dokazuje da je njen nosilac tužilac Kantonalnog tužilaštva Kantona Sarajevo. Nosilac ove legitimacije ima sva ovlaštenja koja su tužiocu data Zakonom o Kantonalnom tužilaštvu Kantona Sarajevo, Zakonom o krivičnom postupku Federacije Bosne i Hercegovine i drugim propisima."

Ispod ovog teksta u lijevoj strani se upisuje datum izdavanja, na središnjem dijelu se stavlja pečat Ministarstva pravde i uprave Kantona Sarajevo, a u desnoj strani potpis ministra pravde i uprave Kantona Sarajevo.

- (5) Ova službena legitimacija se nalazi u kožnoj dvostrano preklapnoj futroli na čijem unutrašnjem desnom dijelu sa vertikalnim preklapanjem se nalazi pločica u obliku stilizovanog štita, prečnika 60 mm, u čijoj sredini se nalazi grb Kantona Sarajevo, a iznad njega polukružno napisan tekst: "BOSNA I HERCEGOVINA, Federacija Bosne i Hercegovine, Kanton Sarajevo, Kantonalno tužilaštvo Kantona Sarajevo", a ispod grba na sredini se nalazi serijski broj legitimacije.
- (6) Obrazac izgleda službene legitimacije se nalazi u Prilogu 1. ovog pravilnika i čini njegov sastavni dio.

Član 2.

(Stupanje na snagu)


Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 03-01-02-22652-1/15
25. februara 2016. godine
Sarajevo

Ministar
Mario Nenadić, s. r.

Prilog 1. Obrazac izgleda službene legitimacije

Prednja strana legitimacije




Izgled mesingane iskaznice



Zadnja strana legitimacije



Unutrašnji izgled kožne futrole



Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 252a. stav (2), a u vezi sa članom 2. stavom (4) Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10 i 18/13), ministar za obrazovanje, nauku i mlade Kantona Sarajevo donosi

PRAVILNIK**O IZMJENAMA I DOPUNAMA PRAVILNIKA O FORMIRANJU I RADU ŠKOLSKIH SAOBRAĆAJNIH PATROLA****Član 1.**

U Pravilniku o formiranju i radu školskih saobraćajnih patrola ("Službene novine Kantona Sarajevo", broj 39/13), član 7. mijenja se i glasi:

"Član 7.

Nakon završene obuke, škola obrazuje Komisiju i organizuje polaganje ispita za članove ŠSP.

Škola je obavezna pozvati predstavnike Ministarstva i MUP-a KS da prisustvuju polaganju ispita za članove ŠSP.

Ispit se organizuje najkasnije 15 dana nakon završene obuke, a testove priprema i dostavlja na dan polaganja predstavnik Ministarstva".

Član 2.

Član 8. mijenja se i glasi:

"Član 8.

Ispit za članove ŠSP polaže se putem testa koji sadrži pitanja iz poznavanja saobraćajnih propisa, saobraćajnih znakova i elemente saobraćajne kulture.

Vrijeme za rješavanje testa je 30 minuta.

Na ispitu za članove ŠSP vodi se zapisnik koji potpisuju predsjednik i članovi ispitne komisije".

Član 3.

U članu 10. iza stava 2 dodaje se novi stav koji glasi:

"Škola je dužna u Izvještaju Godišnjeg programa rada Ministarstvu dostaviti informaciju o realiziranoj temi predavanja za učenike, roditelje, nastavnike iz oblasti bezbjednosti u saobraćaju."

Član 4.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-01-08-83.17/16
17. februara 2016. godine

Ministar
Prof. dr. Elvir Kazazović, s. r.

**Ministarstvo za rad, socijalnu politiku,
raseljena lica i izbjeglice**

Na osnovu čl. 66. i 67. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 70. stav 4. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst), ministrica za rad, socijalnu politiku, raseljena lica i izbjeglice Kantona Sarajevo donosi

PRAVILNIK**O IZMJENI I DOPUNI PRAVILNIKA O OPĆIM I POSEBNIM USLOVIMA ZA OSNIVANJE USTANOVA SOCIJALNE ZAŠTITE****Član 1.**

U Pravilniku o općim i posebnim uslovima za osnivanje ustanova socijalne zaštite ("Službene novine Kantona Sarajevo", broj 24/10 i 46/15) u članu 2. u stavu 2. alineja 4. briše se.

Član 2.

Iza člana 2. dodaje se novi član 2a. koji glasi:

"Član 2a.

Nakon dobijanja rješenja o ispunjenosti općih i posebnih uslova za osnivanje ustanova socijalne zaštite, ustanove su dužne prije upisa u sudski registar kod nadležnog suda, od strane Ministarstva zdravstva Kantona Sarajevo pribaviti rješenje o ispunjenosti uslova u pogledu prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo."

Član 3.

Postupci koji su pokrenuti prije stupanja na snagu ovog pravilnika, a nisu okončani, okončaće se u skladu sa ovim pravilnikom.

Član 4.

Ovaj pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 13-02-3925/16

23. februara 2016. godine
Sarajevo

Ministrica
Amela Dautbegović, s. r.

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida

Na osnovu čl. 6. i čl. 11. Odluke o osnivanju Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida (u daljem tekstu: Fond memorijala) ("Službene novine KS", broj 28/04 - Prečišćeni tekst, 9/06 i 31/07), člana 12. Statuta Fonda memorijala ("Službene novine KS", broj 7/05), a u skladu sa čl. 50. i čl. 51. Zakona o dopunskim pravima boraca-branitelja Bosne i Hercegovine ("Službene novine KS", broj 45/12 - Prečišćeni tekst) i Pravilnika za utvrđivanje prava na ukopno mjesto u "Aleji veterana" u groblju Vlakovo ("Službene novine KS", broj 12/12), donosim

PRAVILNIK**ZA UTVRĐIVANJE PRAVA I KRITERIJA ZA
PODIZANJE NIŠANA/NADGROBNIH SPOMENIKA****POGLAVLJE I - OSNOVNE ODREDBE****Član 1.****(Osnovne odredbe)**

Ovim Pravilnikom utvrđuju se uslovi i kriteriji za sticanje prava za ukop na SSM "Kovači" i "Aleji veterana", te na podizanje jedinstvenog spomen obilježja licima definisanim članom 50. i članom 51. Zakona o dopunskim pravima boraca-branitelja Bosne i Hercegovine ("Službene novine KS", broj 45/12 - Prečišćeni tekst), kao i procedure upravnog postupka za utvrđivanje prava za naprijed navedeno.

Član 2.**(Definisanje korisnika prava)**

Šehidom/poginulim borcem smatra se lice čiji je status utvrđen Rješenjem nadležnog organa, odnosno, lice koje je bilo

pripadnik Oružanih snaga R BiH (Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova) i koje je poginulo prilikom izvršenja dužnosti u toku odbrane od agresije na Republiku Bosnu i Hercegovinu u periodu od 18.09.1991. do 22.04.1996. godine.

Veteranom, u skladu sa Zakonom o pravima branilaca i članova njihovih porodica ("Službene novine Federacije BiH", br. 33/04, 56/05, 70/07 i 9/10), smatra se lice koje je stupilo u Armiju Republike Bosne i Hercegovine, Hrvatsko vijeće obrane i policije nadležnog organa unutrašnjih poslova od 18.09.1991. do 31.12.1992. godine i ostalo neprekidno do 23.12.1995. godine, ili ranije demobilizirano od strane nadležnog vojnog organa.

Roditeljem šehida i poginulog, umrlog, nestalog boraca smatra se majka/otac lica koje je poginulo, umrlo kao pripadnik Oružanih snaga RBiH (Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova) u toku agresije na Republiku Bosnu i Hercegovinu u periodu od 18.09.1991. do 22.04.1996. godine.

Član 3.

(Definisanje prava korisnika)

Lica iz člana 2. stav 1 i stav 2, ovog Pravilnika, a u skladu sa Zakonom o dopunskim pravima boraca-branitelja i Pravilnikom za utvrđivanje prava na ukopno mjesto u Aleji veterana u groblju "Vlakovo" ("Službene novine KS", broj 12/12), shodno zahtjevu porodice, najbližih srodnika ili boračkih udruženja, mogu se ukopati u Aleji veterana.

Lica iz člana 2 stav 1, ovog pravilnika, a u skladu sa Odlukom Skupštine Kantona Sarajevo o Utvrđivanju statusa grobalja na području kantona Sarajevo ("Službene novine KS", broj 14/97, 11/03 i 32/07), shodno zahtjevu porodice, najbližih srodnika ili boračkih udruženja, mogu se ukopati na ŠSM "Kovači".

Svim šehidima/poginulim borcima, veteranima i roditeljima šehida/poginulih boraca-branitelja Oružanih snaga R BiH iz člana 1. ovog Pravilnika, a u skladu sa Zakonom o dopunskim pravima boraca-branitelja koji su ukopani na području Kantona, Fond memorijala će, shodno zahtjevu porodice, najbližih srodnika ili boračkih udruženja, podići jedinstveno nadgrobno obilježje, u skladu sa projektovanim rješenjem jedinstvenog nadgrobno obilježja i zavisno od kategorije za koju se obilježje podiže, te obezbijediti trajnu zaštitu i održavanje putem Fonda memorijala.

Izuzetno, mogu se podići ili se porodicama donirati jedinstvena nadgrobna obilježja radi samostalnog postavljanja za lica iz stava 1 člana 2. ovog Pravilnika, koja su ukopana izvan Kantona Sarajevo, a prema raspoloživim sredstvima i Odlukom Nadležnog organa.

Član 4.

(Uslovi za sticanje prava)

Uslovi i kriteriji za obavljanje ukopa u "Aleji veterana" propisani su Pravilnikom za utvrđivanje prava na ukopno mjesto u "Aleji veterana" ("Službene novine KS", broj 12/12).

Uslovi i kriteriji za obavljanje ukopa na ŠSM "Kovači" propisani su članom 4. Odluke Skupštine Kantona Sarajevo o utvrđivanju statusa grobalja na području Kantona Sarajevo ("Službene novine KS", br. 14/97, 11/03 i 32/07).

Podizanje nišana/nadgrobno spomenika regulisano je članom 50. i članom 51. Zakona o dopunskim pravima boraca BiH ("Službene novine KS", broj 45/12).

POGLAVLJE II - NAČIN STICANJA PRAVA

Član 5.

(Podnošenje zahtjeva)

Pripadnost definisana članom 2. ovog Pravilnika dokazuje se dokumentacijom nadležnog organa.

Zahtjev za sticanje prava podnosi se Fondu memorijala.

Zahtjev za sticanje prava na ukop u "Aleji veterana" i na ŠSM "Kovači" koji podnosi porodica, bliži srodnici ili boračko udruženje, rješava se u skraćenom postupku, u skladu sa članom 139. Zakona o upravnom pravnom postupku F BiH ("Službene

novine Federacije BiH", broj 2/98, 48/99). To znači da će zahtjevanu i priloženu dokumentaciju pregledati Stručni saradnik za pravne i kadrovske poslove, i u skladu sa članom 4. ovog Pravilnika za utvrđivanje prava na ukopno mjesto u "Aleji veterana" ili na ŠSM "Kovači", te ukoliko je ista valjana donijeće Rješenje o pravu na ukop, grobno mjesto i način ukopa, koji potpisuje direktor Fonda memorijala.

Zahtjev za postavljanje jedinstvenih nadgrobno obilježja, podnesenih prema članu 3. i članu 4. ovog Pravilnika, zaprimat će se u rokovima definisanim Javnim pozivom objavljenim na službenoj internet prezentaciji Fonda memorijala. Priloženu dokumentaciju pregledati će Stručni saradnik za pravne i kadrovske poslove.

Ukoliko ne postoje okolnosti za sticanje predmetnog prava koje bi bilo potvrđeno donošenjem Rješenja po isteku Javnog Poziva pokreće se upravni postupak, u skladu sa Zakonom o upravnom postupku F BiH ("Službene novine Federacije BiH", broj 2/98, 48/99), i isti se rješava u skladu sa članom 139. (skraćeni postupak) te članom 216. stav 1. navedenog Zakona.

Nakon isteka roka navedenog u Pozivu donijet će se jedinstveno Rješenje o sticanju prava na izradu/postavljanje jedinstvenog spomen obilježja koje potpisuje direktor Fonda memorijala.

Rješenje o sticanju prava, praćeno listom lica koja su stekla predmetno pravo, a u skladu sa članom 66. Zakona o dopunskim pravima boraca-branitelja ("Službene novine KS", broj 45/12) biti će objavljeno na Oglasnoj ploči Fonda memorijala.

Član 6.

(Način sticanja prava)

O pravu na ukop na ŠSM "Kovači" i "Aleji veterana", te na podizanje jedinstvenog spomen obilježja odlučuje direktor Fonda memorijala odgovarajućim aktom.

Sredstva za ostvarivanje prava iz ovog Pravilnika obezbjeđuju se Budžetom Kantona Sarajevo i/ili Budžetom Općina.

O žalbi na doneseni akt iz stava 1. ovog člana odlučuje Ministar za boračka pitanja Kantona Sarajevo (u daljem tekstu: Ministar).

Član 7.

(Podnosioci zahtjeva)

Zahtjev iz člana 5. ovog Pravilnika može podnijeti porodica, izuzetno bliži srodnici ili boračko udruženje.

Član 8.

(Sadržaj zahtjeva)

Podnosilac zahtjeva iz člana 7. ovog Pravilnika, uz zahtjev, dužan je priložiti i potrebnu dokumentaciju, kako slijedi:

Za ukop na ŠSM "Kovači", te izradu i postavljanje jedinstvenog spomen obilježja za kategoriju šehid/poginuli borac:

- popunjen i ovjeren evidencioni karton od strane općinske organizacije porodica šehida/poginulih boraca sa kopijom uvjerenja o okolnostima pogibije iz koje se utvrđuje pripadnost I korpusu Armije R BiH.

Za ukop u Aleji veterana, te izradu i postavljanje jedinstvenog spomen obilježja za kategoriju veteran:

- uvjerenje o pripadnosti (original ili ovjerenu fotokopiju) kojim se dokazuje da je riječ o pripadniku koji je pristupio u Oružane snage BiH najkasnije do 31.12.1992. godine i bio bez prekida do 23.12.1995. godine,
- original ili ovjerenu fotokopiju dokumenta kojim se dokazuje da je riječ o pripadniku koji nije samovoljno napustio jedinicu - samo u slučaju kada je riječ o pripadniku koji je demobilisan prije 23.12.1995. godine,
- fotokopija potvrde o smrti,
- fotokopija lične karte ili CIPS prijave umrlog,
- fotokopija lične karte podnosioca zahtjeva,
- izjava o prihvatanju idejnog rješenja jedinstvenog spomen obilježja,

- izjava o korištenju datih ličnih podataka.

Za izradu i postavljanje jedinstvenog spomen obilježja za kategoriju roditelj šehida/poginulog borca:

- popunjen i ovjeren evidencioni karton općinske organizacije porodica šehida/poginulih boraca, ukoliko iza roditelja šehida/poginulog borca ima još žive djece za svako od njih potrebno je dostaviti i Rješenje nadležnog organa o nesposobnosti za privredivanje.

Član 9.

(Podizanje nišana vlastitim sredstvima)

Svaka porodica šehida/poginulog borca koja je vlastitim sredstvima finansirala podizanje nišana/nadgrobnog spomenika i gdje je šehid/poginuli borac ukopan na području Kantona Sarajevo, ima pravo na refundaciju sredstava.

Za jednog šehida ili poginulog borca može se isplatiti samo jedna refundacija, bez obzira koliko je porodica učestvovalo u podizanju nišana/nadgrobnog spomenika.

Visinu pojedinačne refundacije utvrđuje Upravni odbor, s tim što visina refundacije ne može preći prosječnu cijenu jednog para tipiziranog nadgrobnog obilježja/nišana.

Porodica koja želi ostvariti pravo na refundaciju mora se obratiti Fondu memorijala pismenim zahtjevom uz dokaz o podizanju nišana/nadgrobnog spomenika (račun, slika podignutog nišana).

Fond će refundacije postavljeno spomen obilježje vršiti u skladu sa raspoloživim sredstvima.

Fond memorijala neće refundirati troškove izgradnje temelja i okolica/santrača.

Član 10.

O načinu i uslovu isplate refundacija porodicama gdje je šehid/poginuli borac ukopan van područja Kantona Sarajevo Upravni odbor će razmatrati naknadno, o čemu će se voditi posebna evidencija.

Izuzetno od stava 1. ovog člana Ministarstvo za boračka pitanja KS može donijeti naredbu o isplati refundacije, o čemu će Fond voditi posebnu evidenciju.

Član 11.

Ukoliko je porodica postavila nišan/nadgrobnog spomenik za šehida/poginulog borca i Fond memorijala isplatio refundaciju, ali naknadno porodica želi da isti zamijeni jedinstvenim spomen obilježjem, dužna je izvršiti povrat sredstava na račun Fonda memorijala i uz pismeni zahtjev dostaviti dokaz o povratu sredstava, nakon čega će Fond postaviti jedinstveno spomen obilježje, a sve u skladu sa odlukom UO Fonda memorijala broj UO-13-30/11 od 31.10.2011. godine.

Član 12.

(Baza podataka za nišane/nadgrobnog spomenike)

Nakon utvrđivanja zakonske osnove za sticanje prava iz člana 3. ovog pravilnika te donošenja odgovarajućeg akta direktora Fonda memorijala svi podaci i lični podaci potrebni za sticanje predmetnih prava unose se u Bazu podataka Fonda memorijala. Fond memorijala može navedene podatke i lične podatke prikupljati, obrađivati i njima se koristiti u svrhu ispunjavanja obaveza iz važećih propisa, vodeći računa pri tome da date podatke čuva u tajnosti, te ih ne distribuira, objavljuje ili daje trećim licima na korištenje bez prethodne suglasnosti davaoca podataka.

Na osnovu izvještaja iz navedene Baze sačinjavaju se Planovi izrade/postavljanja jedinstvenih nadgrobnih obilježja pri čemu se koriste sljedeći kriteriji:

- datum predaje zahtjeva
- datum smrti lica iz člana 2.
- raspoloživa sredstva za izradu/postavljanje.

Član 13.

(Odustajanje stranke od ostvarenog prava na podizanje nišana/nadgrobnog spomenika)

Ukoliko stranka nakon sticanja prava a prije samog podizanja jedinstvenog spomen obilježja odustane od istog, dužna je o tome obavijestiti Fond memorijala, u suprotnom snosiće sve eventualno nastale troškove izrade nišana/nadgrobnog spomenika.

POGLAVLJE III - ZAVRŠNE ODREDBE

Član 14.

Danom stupanja na snagu ovog Pravilnika prestaje da važi Pravilnik o određivanju cijene koštanja jednog para nišana - nadgrobnog spomenika, uslovima i načinu refundacije novčanih sredstava porodicama šehida i poginulih boraca koje su vlastitim sredstvima podigle nišane - nadgrobnog spomenike i kriterijima postavljanja nišana - nadgrobnog spomenika ("Službene novine KS", broj 3/03).

Član 15.

Ovaj Pravilnik stupa na snagu danom donošenja.

Broj 13-14-02-86/16
18. februara 2016. godine
Sarajevo

Direktor
Nurudin Džih, s. r.

GRAD SARAJEVO

Gradsko vijeće

Na osnovu člana 26. Statuta Grada Sarajeva ("Službene novine Kantona Sarajevo", broj 34/08), a u vezi sa članom 3. i 28. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14 i 8/15), i članom 2. Zakona o trezoru Federacije Bosne i Hercegovine ("Službene novine Federacije BiH", broj 19/3 i 79/07), Gradsko vijeće Grada Sarajeva, na sjednici održanoj 23.12. 2015. godine, donijelo je

ODLUKU

**O REGISTRU BUDŽETSKIH KORISNIKA
GRADA SARAJEVA**

Član 1.

(Predmet odluke i definicija pojmova)

(1) Ovom Odlukom definiraju se pojmovi, utvrđuju prava, odgovornosti i rokovi za uspostavljanje i vodenje, te javnost Registra budžetskih korisnika Grada Sarajeva, utvrđuju se budžetski korisnici koji su nadležni organi uprave Grada

Sarajeva i kriteriji za uspostavu budžetskih korisnika, a s ciljem primjene Federalnih propisa kojima se uređuju ova pitanja, a koje shodno primjenjuje Grad Sarajevo.

(2) Pojedini pojmovi koji su za Federaciju BiH definirani u Zakonu o budžetima u Federaciji Bosne i Hercegovine i Zakonu o trezoru Federacije Bosne i Hercegovine, shodno se definiraju ovom Odlukom za Grad Sarajevo i to:

- a. Budžetski korisnici su nadležni organi uprave i to Služba Gradskog vijeća Grada Sarajeva, Gradska uprava Grada Sarajeva i Pravobranilaštvo Grada Sarajeva, te ostali koji se finansiraju iz budžeta, ako ispunjavaju sve kriterije utvrđene ovom Odlukom.
- b. Budžetski korisnik, nadležni organ uprave, koji u svom budžetskom razdjelu sadrži potrošačke jedinice koje su u budžetu označene kao budžetske glave, budžetski je za njih nadležan.
- c. Registar budžetskih korisnika Grada Sarajeva je popis budžetskih korisnika budžeta Grada Sarajeva.

Član 2.
(Uspostava Registra)

- (1) Gradonačelnik svojom odlukom uspostavlja Registar budžetskih korisnika Grada Sarajeva koji se vodi u Gradskoj upravi, Službi za finansije.
- (2) Odluku o uspostavi i vođenju Registra Budžetskih korisnika Grada Sarajeva Gradonačelnik donosi u roku od 30 dana od dana stupanja na snagu ove Odluke i objavljuje je u "Službenim novinama Kantona Sarajevo".
- (3) Odlukom o uspostavi i vođenju Registra Budžetskih korisnika Grada Sarajeva koju donosi Gradonačelnik, utvrđuje se sadržaj Registra Budžetskih korisnika Grada Sarajeva i način vođenja Registra Budžetskih korisnika Grada Sarajeva, u skladu s ovom Odlukom i shodnom primjenom člana 3. Zakona o budžetima u Federaciji Bosne i Hercegovine, odnosno odgovarajućih odredbi propisa koje donosi Federalno ministarstvo finansija, a koje se odnose i na Grad Sarajevo.
- (4) Sastavni dio Odluke o uspostavi i vođenju Registra budžetskih korisnika postaje i Registar budžetskih korisnika Grada Sarajeva, utvrđen i objavljen u "Službenim novinama Kantona Sarajevo", najkasnije u maju mjesecu tekuće godine, a za sljedeću godinu.
- (5) Brisanje iz Registra budžetskih korisnika Grada Sarajeva, upis novog budžetskog korisnika i svaku drugu promjenu nastalu u Registru Budžetskih korisnika Grada Sarajeva, poslije njegovog objavljivanja u "Službenim novinama Kantona Sarajevo", Gradonačelnik objavljuje pri objavi Registra budžetskih korisnika Grada Sarajeva za narednu godinu.
- (6) Podaci iz Registra budžetskih korisnika Grada Sarajeva koji se ne objavljuju u "Službenim novinama Kantona Sarajevo", javni su i dostupni u Gradskoj upravi, Službi za finansije.

Član 3.
(Budžetski korisnici)

Budžetski korisnici budžeta Grada Sarajeva (u daljem tekstu: budžetski korisnici) su oni korisnici kod kojih su ispunjeni sljedeći uslovi:

- a) da je osnivač Gradsko vijeće,
- b) da je aktivnost, prema Standardnoj kvalifikaciji djelatnosti, dio aktivnosti za koje je odgovoran Grad Sarajevo po svom Statutu,
- c) da je za funkcionisanje aktivnosti, odnos između prihoda budžeta Grada Sarajeva i drugih izvora prihoda (vlastiti prihodi) više od 50% u korist prihoda iz budžeta, a da te aktivnosti predstavljaju javnu funkciju koja mora biti dio rada javnih institucija i da:
 - koriste kontni plan za budžete i budžetske korisnike,
 - su navedene u Registru.

Član 4.
(Prelazne odredbe)

Sastavni dio ove odluke je Registar budžetskih korisnika Grada Sarajeva.

Član 5.
(Završne odredbe)

Ova odluka stupa na snagu osmog dana od dana objave u "Službenim novinama Kantona Sarajevo".

Broj 01-02-2070/15
23. decembra 2015. godine
Predsjedavajući
Gradskog vijeća
Suljo Agić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) i člana 60. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12), Gradsko vijeće Grada Sarajeva, na sjednici održanoj 24.02.2016. godine, donijelo je

ODLUKU

**O PLATAMA I NAKNADAMA U ORGANIMA
GRADA SARAJEVA**

I - OSNOVNE ODREDBE

Član 1.
(Predmet reguliranja)

- (1) Ovom odlukom uređuju se: pravo, visina i uslovi za ostvarivanje novčane naknade za vršenje funkcije gradskog vijećnika i pravo na druge naknade za materijalne troškove koji nastanu u vršenju funkcije gradskog vijećnika, odnosno u vršenju dužnosti člana radnog tijela Gradskog vijeća za:
 - a. gradske vijećnike u Gradskom vijeću Grada Sarajeva (u daljnjem tekstu: Gradsko vijeće) za vrijeme vršenja vijećničke dužnosti;
 - b. članove Kolegija Gradskog vijeća;
 - c. članove radnih tijela Gradskog vijeća.
- (2) Ovom odlukom uređuju se i prava iz radnog odnosa, usklađuju se plate, platni razredi i koeficijenti za obračun plate sa Zakonom o platama i naknadama u organima vlasti Federacije Bosne i Hercegovine, druga novčana primanja i prava na naknade za materijalne troškove, te druga prava i naknade za:
 - a. funkcionere koje bira i imenuje Gradsko vijeće: Predsjedavajući Gradskog vijeća i zamjenici predsjedavajućeg Gradskog vijeća, Gradonačelnik i zamjenici gradonačelnika Grada Sarajeva, sekretar Gradskog vijeća, gradski pravobranilac i zamjenik gradskog pravobranioaca (u daljnjem tekstu: funkcioneri);
 - b. savjetnike koje imenuju funkcioneri (u daljnjem tekstu: savjetnici).
- (3) Ovom odlukom usklađuju se plate i naknade državnih službenika i namještenika u organima Grada Sarajeva i Pravobranilaštvu Grada Sarajeva u skladu sa Zakonom o platama i naknadama u organima vlasti Federacije Bosne i Hercegovine.
- (4) Ovom odlukom utvrđuje se nadležnost za donošenje Pravilnika o platama, naknadama i drugim materijalnim pravima u organima Grada Sarajeva i Pravobranilaštvu Grada Sarajeva.

Član 2.
(Načela)

Pri određivanju iznosa plata i naknada u organima Grada Sarajeva poštivaju se načela utvrđena Zakonom o platama i naknadama u organima vlasti Federacije Bosne i Hercegovine:

- (1) Ista plata za isto radno mjesto: prema ovom načelu zaposleni u organima vlasti koji obavljaju poslove istog radnog mjesta, odnosno iste ili slične poslove imaju pravo na istu osnovnu plaću po vrsti i stepenu stručne spreme.

Član 3.

(Budžetsko osiguranje sredstava za plate i naknade)

Finansijska sredstva za plate, naknade i druga primanja lica iz člana 1. Odluke, planiraju se i osiguravaju u budžetu Grada Sarajeva.

Član 4.

(Način utvrđivanja osnovice za obračun plate)

- (1) U organima državne službe se primjenjuje osnovica za obračun plate utvrđene članom 5. Zakona.
- (2) Gradonačelnik će u dogovoru sa sindikatom utvrditi osnovicu za obračun plate u skladu sa Zakonom.
- (3) Ukoliko se gradonačelnik i sindikat ne dogovore o visini osnovice, ranije dogovorena osnovica ostaje na snazi do dogovora gradonačelnika i sindikata, a najduže 90 dana.

Član 5.

(Elementi za utvrđivanje osnovne plate)

- (1) Osnovna plata utvrđuje se množenjem osnovice za platu sa utvrđenim koeficijentom platnog razreda i tako utvrđen iznos

- uvećava se za 0,5 za svaku započetu godinu penzijskog staža, a najviše do 20%.
- (2) Osnovna plata ne može biti manja od 70% prosječne neto plate isplaćene u Federaciji Bosne i Hercegovine prema posljednjem objavljenom statističkom podatku.
 - (3) U slučaju da množenjem utvrđene osnovice i pripadajućeg koeficijenta osnovna plata iznosi manje od 70% prosječne plate, zaposleniku će se isplatiti plata u navedenom postotku.
 - (4) Osnovna plata obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.
 - (5) Ukoliko zaposlenik radi s nepunim radnim vremenom, u skladu s posebnim zakonom ili drugim propisima, osnovna plata odredit će se srazmjerno vremenu provedenom na radu.
 - (6) Puno radno vrijeme zaposlenih je 40 sati sedmično.

Član 6.

(Koeficijenti za obračun plata)

- (1) O visini koeficijenata za obračun plata iz ove Odluke odlučuje Gradsko vijeće, na prijedlog Gradonačelnika i Administrativne komisije.
- (2) Administrativna komisija utvrđuje prijedlog koeficijenata za obračun plata i naknada za gradske vijećnike, radna tijela Gradskog vijeća, funkcionere i savjetnike funkcionera, te državne službenike i namještenike u Službi Gradskog vijeća, na prijedlog sekretara Gradskog vijeća, uz mišljenje Predsjedavajućeg Gradskog vijeća.

Član 7.

(Pravo na platu prema radnom mjestu)

Funkcioner, savjetnik, državni službenik i namještenik u organima Grada Sarajeva ima pravo na platu koja odgovara funkciji, odnosno radnom mjestu na koje je postavljen u skladu sa Zakonom, gradskim propisima i provedbenima aktima.

Član 8.

(Bruto i neto plata)

- (1) Plata se u organima Grada Sarajeva utvrđuje u bruto i neto iznosu.
- (2) Plata u bruto iznosu obuhvata neto platu, poreze i doprinose.
- (3) Iznos neto i bruto plate, kao i način obračuna plate, te redovne mjesečne naknade i odbici iz plate prikazuju se na mjesečnoj platnoj listi.

Član 9.

(Isplata plata)

- (1) Plata se obračunava za jedan mjesec unatrag, a isplaćuje za prethodni mjesec, u skladu sa važećim zakonom.
- (2) Plata iz stava 1. ovog člana, kao i svaka izmjena u visini plate, utvrđuje se rješenjem koja za državne službenike i namještenike uposlene u Službi Gradskog vijeća donosi sekretar Gradskog vijeća, za državne službenike i namještenike uposlene u Gradskoj upravi donosi Gradonačelnik, i Pravobranilac za uposlene u Pravobranilaštvu Grada Sarajeva.
- (3) Funkcioneri koji dužnost obavljaju profesionalno u skladu sa Statutom Grada Sarajeva i savjetnici, imaju pravo na platu.
- (4) Plata iz stava 1. ovog člana, kao i svaka izmjena u visini plate za funkcionere koji prava iz radnog odnosa ostvaruju u Službi Gradskog vijeća, te sekretara Gradskog vijeća, utvrđuje se rješenjem Administrativne komisije.
- (5) Plata iz stava 1. ovog člana, kao i svaka izmjena u visini plate za savjetnike Predsjedavajućeg Gradskog vijeća utvrđuje se rješenjem sekretara Gradskog vijeća, a za savjetnike Gradonačelnika rješenjem gradonačelnika.
- (6) Funkcioneri iz stava 3. ovog člana, pravo na platu ostvaruju stupanjem na dužnost, u skladu sa općim aktima Gradskog vijeća.
- (7) Gradonačelnik, pravo na platu ostvaruje danom imenovanja.
- (8) Savjetnici predsjedavajućeg Gradskog vijeća i Gradonačelnika, ostvaruju pravo na platu postavljanjem na radno mjesto.

(9) Plata funkcionera koji dužnost obavlja profesionalno u skladu sa Statutom Grada Sarajeva, i savjetnika, kao i svaka izmjena u visini plate, utvrđuje se rješenjem.

(10) Podaci o platama uposlenih u organima Grada Sarajeva su javni.

II - PLATE I NAKNADE FUNKCIONERA, SAVJETNIKA FUNKCIONERA I GRADSKIH VIJEĆNIKA U GRADU SARAJEVO

Član 10.

(Radno pravni status funkcionera)

- (1) Odluku o radno pravnom statusu Predsjedavajućeg Gradskog vijeća i zamjenika Predsjedavajućeg Gradskog vijeća donosi Gradsko vijeće na prijedlog Administrativne komisije, a na osnovu odluke Gradskog vijeća o izboru.

Član 11.

(Ostvarivanje prava iz radnog odnosa)

- (1) Funkcioneri, sekretar Gradskog vijeća i savjetnici prava iz radnog odnosa ostvaruju u organima Grada Sarajeva i to:
 - a) u Službi Gradskog vijeća: Predsjedavajući Gradskog vijeća i zamjenici Predsjedavajućeg Gradskog vijeća, sekretar Gradskog vijeća i savjetnici koje imenuje Predsjedavajući Gradskog vijeća;
 - b) u Gradskoj upravi: Gradonačelnik Grada Sarajeva, zamjenici Gradonačelnika Grada Sarajeva koji funkciju na koju su izabrani vrše profesionalno i savjetnici koje imenuje Gradonačelnik Grada Sarajeva.
 - c) u Pravobranilaštvu Grada Sarajeva: Pravobranilac Grada Sarajeva i zamjenik Pravobranilaca Grada Sarajeva.
- (2) Administrativna komisija Gradskog vijeća donosi rješenje o zasnivanju radnog odnosa na osnovu odluke o izboru i odluke o radno pravnom statusu i to:
 - a) na prijedlog sekretara Gradskog vijeća za: Predsjedavajućeg Gradskog vijeća, zamjenike Predsjedavajućeg Gradskog vijeća, sekretara Gradskog vijeća;
 - b) na prijedlog Gradonačelnika Grada Sarajeva za: Gradonačelnika Grada Sarajeva, zamjenike Gradonačelnika Grada Sarajeva, te
 - c) na prijedlog Pravobranilaca Grada Sarajeva za: Pravobranilaca i zamjenika Pravobranilaca Grada Sarajeva.
- (3) Sekretar Gradskog vijeća donosi rješenje o zasnivanju radnog odnosa na osnovu odluke o imenovanju za savjetnika Predsjedavajućeg Gradskog vijeća, a Gradonačelnik za savjetnika Gradonačelnika.

Član 12.

(Platni razredi i koeficijenti za plate funkcionera i savjetnika)

Utvrđuju se sljedeći platni razredi i koeficijenti za plate funkcionera i savjetnika:

Platni razred	Radno mjesto	Koeficijent
I	Gradonačelnik	9,00
II	Predsjedavajući Gradskog vijeća	8,50
III	Zamjenici gradonačelnika, zamjenici Predsjedavajućeg Gradskog vijeća	8,00
IV	Gradski pravobranilac	7,20
V	Zamjenik gradskog pravobranilaca	6,50
VI	Savjetnik gradonačelnika, savjetnik Predsjedavajućeg Gradskog vijeća	6,00

Odjeljak A. Stalna mjesečna novčana primanja gradskih vijećnika

Član 13.

(Naknade gradskim vijećnicima i članovima radnih tijela Gradskog vijeća)

- (1) Vijećnicima u Gradskom vijeću, utvrđuje se pravo na mjesečnu naknadu za rad u Gradskom vijeću, kao i naknadu

troškova, odnosno izgubljene zarade, tako što se osnovica za obračun plate, utvrđena u skladu sa Zakonom, množi sa koeficijentom 2.

- (2) Članovima Kolegija Gradskog vijeća utvrđuje se pravo na naknadu za rad u Kolegiju Gradskog vijeća, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno.
- (3) Članovima radnih tijela Gradskog vijeća, utvrđuje se pravo na naknadu, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno po radnom tijelu.
- (4) Članovima radnih tijela koji nisu gradski vijećnici pripada naknada iz stava 3. ovog člana ukoliko po pozivu prisustvuju sjednici Gradskog vijeća, a gradskom vijećniku koji je član radnog tijela ne pripada ova naknada.
- (5) Član radnog tijela, odnosno Kolegija Gradskog vijeća, uz uredan poziv, ima pravo na naknadu kao u stavu 3. ovoga člana.
- (6) Ukoliko gradski vijećnik ne ostvaruje po drugom osnovu, odgovarajuće socijalno osiguranje (zdravstveno i penziono), na njegov zahtjev i uz predočenu relevantnu dokumentaciju, tokom trajanja vijećničkog mandata ima pravo na ostvarivanje dobrovoljnog osiguranja putem uplata propisanih doprinosa iz sredstava Budžeta Grada Sarajeva.

Član 14.

(Isplata naknada)

Naknade iz člana 13. ove Odluke isplaćuju se mjesečno za prethodni mjesec, a na osnovu evidencije o prisustvu koju vodi Služba Gradskog vijeća.

Član 15.

(Umanjenje naknade zbog izostanka)

- (1) Član Kolegija Gradskog vijeća nema pravo na naknadu ukoliko izostane sa sjednice Kolegija Gradskog vijeća.
- (2) Član radnog tijela nema pravo na naknadu ukoliko izostane sa sjednice radnog tijela Gradskog vijeća.
- (3) Ukoliko, po osnovi pismenog ovlaštenja Kluba gradskog vijećnika, jedan gradski vijećnik mijenja drugoga u radu sjednice Kolegija Gradskog vijeća, odnosno u radu radnog tijela Gradskog vijeća, naknada pripada gradskom vijećniku koji prisustvuje sjednici Kolegija Gradskog vijeća, odnosno radnog tijela Gradskog vijeća.

Odjeljak B. Pravo na naknade gradskim vijećnicima, ostvarivanje prava, te druga prava funkcionera i savjetnika

Član 16.

(Pravo na naknade gradskim vijećnicima)

- (1) Gradski vijećnik, funkcioner, sekretar Gradskog vijeća i savjetnik ostvaruju pravo na naknadu materijalnih troškova koji proizilaze iz vršenja funkcije na koju su izabrani i pravo na naknadu troškova za službeno putovanje koji proizilaze iz vršenja funkcije na koju su izabrani ili se realizira na osnovu odluke Gradskog vijeća kojom su određeni članovi delegacije.
- (2) Visina naknade za troškove službenog putovanja, dnevnica, naknada za smještaj, naknada za troškove prijevoza i ostale vrste naknada za službeno putovanje za gradske vijećnike, funkcionere, za sekretara Gradskog vijeća i savjetnike, utvrđuju se na način kako je to utvrđeno za državne službenike u skladu sa važećim propisima u Federaciji Bosne i Hercegovine.
- (3) Funkcioner imenovan na funkciju u Gradskom vijeću ima pravo na prijevoz službenim putničkim automobilom.
- (4) Funkcioner imenovan na funkciju u Gradskom vijeću ima pravo na plaćene troškove službene komunikacije, informiranja, reprezentacije i druge troškove nastale iz vršenja dužnosti funkcionera imenovanog na funkciju u Gradskom vijeću.

- (5) Gradski vijećnik ima pravo na pomoć za potrebe liječenja u slučaju teške bolesti u skladu s Naredbom Federalnog ministarstva zdravstva o listi teških bolesti, odnosno teških tjelesnih povreda temeljem kojih se ostvaruje naknada za slučaj teške invalidnosti ili teške bolesti ("Službene novine Federacije BiH", broj 30/05), te u slučaju smrti gradskog vijećnika, odnosno člana porodičnog domaćinstva gradskog vijećnika i to kako slijedi.
 - a. U slučaju povrede na radu, teške bolesti ili invalidnosti gradskog vijećnika isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
 - b. Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge organima Grada Sarajeva.
 - c. Način i postupak ostvarivanja prava iz stava 1. i 2. ovog člana, vrši se na način kako je to pravilnikom o radnim odnosima, platama i naknadama, u skladu sa pozitivnim propisima utvrđeno za državne službenike i namještenike u Službi Gradskog vijeća Grada Sarajeva.

Član 17.

(Pravo na naknade funkcionerima)

- (1) Funkcionerima i savjetnicima pripada pravo na:
 - a. naknadu plate zbog bolesti ili povreda,
 - b. naknadu za troškove ishrane (topli obrok),
 - c. naknadu za godišnji odmor i plaćeni dopust,
 - d. naknadu za slučaj smrti, teške bolesti i invalidnosti,
 - e. otpremnina,
 - f. naknadu troškova za službeno putovanje,
 - g. naknadu za prijevoz na posao i s posla za funkcionere koji ne ostvaruju pravo na korištenje službenog putničkog automobila.
- (2) Naknade iz stava (1) ovog člana funkcioneri i savjetnici ostvaruju u skladu sa Zakonom o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12).

Član 18.

(Nalogodavac za službeno putovanje)

Nalogodavac za službeno putovanje je:

- a) sekretar Gradskog vijeća, uz saglasnost Predsjedavajućeg Gradskog vijeća za Predsjedavajućeg i zamjenike Predsjedavajućeg Gradskog vijeća, gradskog vijećnika, sekretara Gradskog vijeća i savjetnike Predsjedavajućeg Gradskog vijeća;
- b) gradonačelnik Grada Sarajeva za Gradonačelnika, zamjenika Gradonačelnika i savjetnike Gradonačelnika, te
- c) Administrativna komisija za Pravobranioca Grada Sarajeva, a Pravobranilac za zamjenika pravobranioca Grada Sarajeva.

Član 19.

(Druga prava)

- (1) Administrativna komisija Gradskog vijeća donosi akt kojim se bliže uređuje pravo i uslovi za korištenje prijevoza službenim putničkim automobilom za funkcionere, sekretara Gradskog vijeća, pravobranioca Grada Sarajeva i savjetnike.
- (2) Administrativna komisija Gradskog vijeća donosi akte kojima se uređuju prava funkcionera, sekretara Gradskog vijeća, Pravobranioca i zamjenika Pravobranioca Grada Sarajeva i savjetnika, na plaćene troškove službene komunikacije, informiranja i reprezentacije, kao i druga prava i naknade, kao što je i dodatak na platu po osnovu posebnih uslova za rad koji pripada sekretaru Gradskog vijeća kao rukovodiocu organa uprave zbog obima i složenosti poslova i stepena odgovornosti.

III - PLATE I NAKNADE DRŽAVNIH SLUŽBENIKA I NAMJEŠTENIKA U ORGANIMA GRADA SARAJEVA

Odjeljak A. Platni razredi i koeficijenti za plate državnih službenika i namještenika u organima Grada Sarajeva

Član 20.

(Platni razredi i koeficijenti za plate državnih službenika u organima Grada Sarajeva)

Utvrđuju se sljedeći platni razredi i koeficijenti za plate državnih službenika Grada Sarajeva:

Platni razred	Radno mjesto	Koeficijent
I	- sekretar Gradskog vijeća - sekretar Gradske uprave	6,50
II	- pomoćnik Gradonačelnika	5,70
III	- direktor Zavoda za informatiku i telematiku Grada Sarajeva - interni revizor - glavni komunalni inspektor - stručni savjetnik u Pravobranilaštvu Grada Sarajeva	5,20
IV	- šef Kabineta Predsjedavajućeg i zamjenika Predsjedavajućeg Gradskog vijeća - šef Odjeljenja za stručne poslove u Službi Gradskog vijeća - šef Odjeljenja u Stručnoj službi gradonačelnika Grada Sarajeva	4,60
V	- šef Odsjeka	4,50
VI	- gradski inspektor	4,30
VII	- stručni savjetnik	4,10
VIII	- viši stručni saradnik	3,90
IX	- stručni saradnik	3,70

Član 21.

(Platni razredi i koeficijenti za plate namještenika)

Utvrđuju se sljedeći platni razredi i koeficijenti za plate namještenika Grada Sarajeva:

	Radno mjesto	Koeficijent
I	- viši samostalni referent (VŠS)	3,10
II	- šef unutrašnje organizacijske jedinice (SSS)	2,80
III	- viši referent (SSS) i VKV radnik	2,70
IV	- referent (SSS) i KV III i IV stepen	2,60

Odjeljak B. Dodaci na platu državnih službenika i namještenika

Član 22.

(Vrste dodataka na platu)

- (1) Državni službenik i namještenik ima pravo na dodatak na platu po osnovu posebnih uslova rada i po osnovu naknade za prekovremeni rad.
- (2) Dodatak na platu iz stava 1. ovog člana čini sastavni dio osnovne plate.

Član 23.

(Dodatak na platu po osnovu posebnih uslova rada)

- (1) Dodatak na platu po osnovu posebnih uslova rada pripada državnim službenicima koji obavljaju poslove inspektora i taj dodatak iznosi 20% do 30% od osnovne plate, što će se precizirati Pravilnikom.
- (2) Dodatak na platu za ostale poslove koji se vrše pod posebnim uslovima, određenim posebnim zakonom, može biti od 10% do 20%, što će se precizirati Pravilnikom.
- (3) Poseban dodatak iz stava 1. i 2. ovog člana obračunava se na osnovnu plaću bez dijela plate po osnovu radnog staža i čini sastavni dio plate.

- (4) Visina dodataka na platu po osnovu posebnih uslova rada iz stava 1. i 2. ovog člana utvrđuje se pravilnikom o radnim odnosima, platama i naknadama, u skladu sa kriterijima utvrđenim kolektivnim ugovorom.

Odjeljak C. Naknade državnih službenika i namještenika

Član 24.

(Vrste naknada)

Državni službenik i namještenik ima pravo na naknade utvrđene u odredbama člana 25. do 39. ove odluke.

Član 25.

(Naknada za prekovremeni rad, rad u neradne dane, noćni rad i rad u dane državnih praznika)

- (1) U slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plate, razmjerno vremenu trajanja tog rada, uvećanom za postotak utvrđen kolektivnim ugovorom.
- (2) Visina naknade i uslovi za ostvarivanje naknade utvrđuju se pravilnikom o radnim odnosima, platama i naknadama, u skladu sa kolektivnim ugovorom.
- (3) Obračun naknade iz stava 1. ovog člana, vrši se od osnovne plate, bez dijela plate po osnovu penzijskog staža. Naknada iz ovog člana čini sastavni dio plate.

Član 26.

(Vrste naknada)

Državni službenik i namještenik ima pravo na sljedeće naknade koje nemaju karakter plate:

- naknada za ishranu tokom rada - topli obrok;
- naknada za prijevoz na posao i s posla;
- naknada na ime korištenja godišnjeg odmora - regres;
- naknada za službeno putovanje;
- naknada za bolovanje;
- naknada za slučaj povrede na radu, teške bolesti i invalidnosti;
- naknada za slučaj smrti i pravo na osiguranje od posljedica nesretnog slučaja;
- naknada za porodijski dopust;
- plaćeni dopust;
- naknada za rad u komisijama koje se održavaju poslije isteka radnog vremena;
- otpremnina;
- naknada u slučaju prekobrojnosti.

Član 27.

(Naknada za ishranu tokom rada)

- (1) Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plate isplaćene u Federaciji Bosne i Hercegovine po zadnjem statističkom podatku.
- (2) Naknada iz stava 1. ovog člana neće se obračunavati za vrijeme odsutnosti s posla.

Član 28.

(Naknada za prijevoz na posao i s posla)

- (1) Državnom službeniku i namješteniku kome nije organizovan službeni prijevoz na posao i s posla, čije je mjesto stanovanja udaljeno najmanje 2 km od mjesta rada, pripada naknada za troškove prijevoza, u visini mjesečne karte gradskog, prigradskog i međugradskog saobraćaja.
- (2) U međugradski saobraćaj spadaju mjesta koja su udaljena od mjesta rada do 70 km.

Član 29.

(Regres za godišnji odmor)

- (1) Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plate isplaćene u Federaciji Bosne i Hercegovine po zadnjem objavljenom statističkom podatku.

- (2) Pravo na regres iz stava 1. ovog člana ima svaki državni službenik i namještenik koji je u toku tekuće kalendarske godine ostvario pravo na godišnji odmor.

Član 30.

(Naknada za službeno putovanje)

- (1) Državni službenik i namještenik ima pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuje radi obavljanja službenih poslova i zadataka.
- (2) Visina i način ostvarivanja naknade iz stava 1. ovog člana utvrđuje se pravilnikom o radnim odnosima, platama i naknadama, u skladu sa pozitivnim propisima i kolektivnim ugovorom.

Član 31.

(Naknada za bolovanje)

- (1) Državni službenik i namještenik ima pravo na naknadu plate za vrijeme privremene spriječenosti za rad (bolovanje) do 42 kalendarska dana u visini njegove neto plate isplaćene za prethodni mjesec.
- (2) Naknada plate za bolovanje preko 42 dana iz stava (1) ovog člana ostvaruje se po propisu Kantona Sarajevo kojim se uređuje naknada za ovo bolovanje, s tim da razliku do pune plate isplaćuje poslodavac.

Član 32.

(Naknada za slučaj povrede na radu, teške bolesti i invalidnosti)

- (1) U slučaju povrede na radu, teške bolesti ili invalidnosti državnog službenika i namještenika ili člana njegove uže porodice isplaćuje se jednokratna novčana pomoć, u visini od dvije prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
- (2) Utvrđivanje nastanka teške bolesti ili invalidnosti u svakom konkretnom slučaju vrši Komisija za kvalifikaciju bolesti javne zdravstvene ustanove sa kojom postoji sporazum o pružanju ove usluge.
- (3) Način i postupak ostvarivanja prava iz stava 1. i 2. ovog člana, utvrđuje se pravilnikom o radnim odnosima, platama i naknadama, u skladu sa pozitivnim propisima.

Član 33.

(Naknada za slučaj smrti i pravo na osiguranje od posljedica nesretnog slučaja)

- (1) U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plate isplaćene u Federaciji Bosne i Hercegovine prema zadnjem objavljenom statističkom podatku.
- (2) Naknada iz stava 1. ovog člana isplaćuje se državom službeniku, odnosno namješteniku, i u slučaju smrti člana uže porodice državnog službenika ili namještenika.
- (3) Ukoliko u organima Grada Sarajeva rade dva ili više članova porodice, troškovi sahrane iz stava 1. ovog člana isplaćuju se samo jednom zaposlenom članu porodice.
- (4) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa.
- (5) Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.
- (6) Ugovor o osiguranju sa odgovarajućom osiguravajućom kućom zaključuje gradonačelnik za sve državne službenike i namještenike zaposlene u Gradu Sarajevu, u skladu sa Kolektivnim ugovorom.

Član 34.

(Definicija člana uže porodice)

Članom uže porodice državnog službenika ili namještenika, u smislu čl. 32. i 33. ove odluke, smatraju se: braćni i vanbraćni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se

nalaze na redovnom školovanju i nisu u radnom odnosu, djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji) pod uslovom da žive u zajedničkom domaćinstvu sa državnim službenikom i namještenikom, braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima žive u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Član 35.

(Naknada za porodijsko odsustvo)

Državni službenik i namještenik, za vrijeme porodijskog odsustva, ima pravo na naknadu plate prema propisima Kantona kojim se uređuje ova oblast, prema mjestu uplate doprinosa, s tim da se razlika do visine pune plate, kao i pripadajući porezi i doprinosi, isplaćuju iz Budžeta Grada Sarajeva.

Član 36.

(Plaćeni dopust)

- (1) Državni službenik i namještenik ima pravo na naknadu plate i to u visini svoje neto plate iz prethodnog mjeseca, za vrijeme korištenja plaćenog dopusta, koji traje do 30 dana.
- (2) Način i postupak ostvarivanja prava iz stava 1. ovog člana, utvrđuje se pravilnikom o radnim odnosima, platama i naknadama, u skladu sa pozitivnim propisima.

Član 37.

(Naknada za rad u komisijama)

- (1) Državni službenici i namještenici, kao članovi komisija koje se formiraju na osnovu rješenja rukovodioca organa uprave imaju pravo na maksimalnu mjesečnu naknadu za rad u komisijama, a čije osnivanje je predviđeno zakonom, i to do visine jedne i pol (1,5) osnovice iz člana 4. ove odluke, a koje se održavaju poslije isteka radnog vremena.
- (2) Visina naknade, iz stava 1. ovog člana, utvrđuje se rješenjem o formiranju komisije.

Član 38.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plata isplaćenih u prethodnih pet mjeseci.

Član 39.

(Naknada u slučaju prekobrojnosti)

U slučaju prestanka radnog odnosa državnog službenika odnosno namještenika, zbog prekobrojnosti, taj državni službenik, odnosno namještenik, ima pravo na naknadu i to

- za radni staž do 10 godina, u visini tri neto plate državnog službenika odnosno namještenika,
- za radni staž od 11 do 30 godina, u visini šest neto plata državnog službenika odnosno namještenika,
- za radni staž preko 30 godina, u visini deset neto plata državnog službenika odnosno namještenika.

IV - PLATE PRIPRAVNIKA I NAKNADE VOLONTERA

Član 40.

(Visina plate za pripravnike)

- (1) Plata pripravnika visoke, više i srednje stručne spreme utvrđuje se u iznosu, i to
- za visoku školsku spremu u iznosu od 80% od početne osnovne plate utvrđene za radno mjesto stručnog saradnika
 - za višu školsku spremu u iznosu od 80% od početne osnovne plate utvrđene za radno mjesto samostalnog referenta
 - za srednju školsku spremu u iznosu od 80% od početne osnovne plate utvrđene za radno mjesto referenta

(2) Plata iz stava 1. ovog člana predstavlja dio osnovne plate, bez dijela plate koji se obračunava po osnovu penzijskog staža.

Član 41.

(Visina naknade za volontere)

- (1) Volonteri visoke, više i srednje stručne spreme imaju pravo na naknadu, i to:
- za visoku školsku spremu u iznosu od 35% od osnovne plate stručnog saradnika
 - za višu školsku spremu u iznosu od 35% od osnovne plate samostalnog referenta
 - za srednju školsku spremu u iznosu od 35% od osnovne plate referenta
- (2) Visina naknade iz stava 1. ovog člana određuje se od osnovne plate odgovarajuće školske spreme.

V - ZAVRŠNE ODREDBE

Član 42.

(Obaveza usklađivanja propisa)

U skladu sa ovom odlukom, pravilnicima o unutrašnjoj organizaciji u Gradskoj upravi, Gradskom vijeću i Pravobranilaštvu Grada Sarajeva, zakonskim i drugim propisima, gradonačelnik Grada, sekretar Gradskog vijeća i Pravobranilac Grada Sarajeva će donijeti međusobno usklađene pravilnike o platama, naknadama i drugim materijalnim pravima državnih službenika i namještenika u Gradskoj upravi, Službi Gradskog vijeća i Pravobranilaštvu Grada Sarajeva.

Pravilnici iz stava 1. ovog člana donijet će se u roku od 60 dana od dana stupanja na snagu ove odluke.

Član 43

(Neposredna primjena Zakona i kolektivnog ugovora)

Za sva pitanja iz oblasti plata i naknada koja nisu regulisana ovom Odlukom, neposredno će se primjenjivati odredbe zakona i kolektivnog ugovora.

Član 44

(Prestanak primjene propisa)

Stupanjem na snagu ove odluke prestaje primjena: Odluke o utvrđivanju platnih razreda i koeficijenata za plate rukovodećih i

ostalih državnih službenika Gradske uprave Grada Sarajeva i Službe Gradskog vijeća Grada Sarajeva ("Službene novine Kantona Sarajevo", br. 3/05 i 35/06 i 4/09); Odluke o utvrđivanju platnih razreda i koeficijenata za plate namještenika organa Grada Sarajeva ("Službene novine Kantona Sarajevo", br. 15/06 i 4/09); Odluke o primanjima i drugim pravima vijećnika ("Službene novine Kantona Sarajevo", broj 39/05); Odluke o primanjima i drugim pravima funkcionera ("Službene novine Kantona Sarajevo", broj", 39/05); Odluke o koeficijentima za obračun plata nosioca funkcija Grada Sarajeva ("Službene novine Kantona Sarajevo", broj 3/05); Odluke o dopuni Odluke o koeficijentima za obračun plata nosioca funkcija Grada Sarajeva ("Službene novine Kantona Sarajevo", broj 35/06), kao i primjena odredaba Odluke o osnivanju Pravobranilaštva Grada Sarajeva ("Službene novine Kantona Sarajevo", broj 20/10, 30/15) koje se odnose na radno-pravni status pravobranioca i zamjenika pravobranioca Grada Sarajeva.

Član 45.

(Izmjene i dopune Odluke)

Izmjene i dopune Odluke vrše se na način i po postupku za njeno donošenje.

Član 46.

(Ravnopravnost spolova)

Odredbe ove Odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

Član 47.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2016. godine.

Broj 01-02-384/16
24. februara 2016. godine

Predsjedavajući
Gradskog vijeća
Suljo Agić, s. r.

OPĆINA NOVO SARAJEVO

Općinski načelnik

Na osnovu člana 23. Odluke o izvršavanju budžeta Općine Novo Sarajevo za 2015. godinu ("Službene novine Kantona Sarajevo", broj 1/15) i člana 50. Statuta Općine Novo Sarajevo ("Službene novine Kantona Sarajevo", broj 35/10), Općinski načelnik donosi

ZAKLJUČAK

O OPRIHODOVANJU NAMJENSKI DOZNAČENIH SREDSTAVA MINISTARSTVA KULTURE I SPORTA KANTONA SARAJEVO

I

Ovim Zaključkom povećavaju se ukupni prihodi i primici, te rashodi i izdaci Budžeta Općine Novo Sarajevo za 2015. godinu u iznosu od **200.000,00 KM**, tako da ukupni prihodi i primici, i rashodi i izdaci Budžeta Općine Novo Sarajevo za 2015. godinu umjesto 27.756.000,00 KM iznose **27.956.000,00 KM**.

II

Prihodi Budžeta Općine Novo Sarajevo za 2015. godinu utvrđeni u tački I ovog Zaključka u iznosu od 200.000,00 KM su namjenski ostvareni prihodi na ekonomskom kodu 742114 - Namjenska sredstva Ministarstva kulture i sporta Kantona Sarajevo za izgradnju Sportske dvorane.

III

Sredstva iz tačke II ovog Zaključka raspoređuju se u posebnom dijelu Budžeta u okviru Programa prostornog planiranja i uređenja građevinskog zemljišta, na ekonomskom kodu 821200 - Namjenska sredstva Ministarstva kulture i sporta Kantona Sarajevo za izgradnju Sportske dvorane u iznosu od 200.000,00 KM.

IV

Realizacija sredstava iz tačke III ovog Zaključka vršiće se u skladu sa zaključenim Ugovorom o sufinansiranju izvođenja radova na izgradnji Sportske dvorane u ulici Zvornička broj bb, naš broj 02-14-2530/15.

V

Ovaj Zaključak čini sastavni dio Budžeta Općine Novo Sarajevo za 2015. godinu.

VI

Za realizaciju Zaključka zadužuje se Služba za oblast privrede i finansija.

VII

Ovaj Zaključak stupa na snagu danom donošenja i objaviće se u "Službenim novinama Kantona Sarajevo".

Broj 03-14-19/16
05. januara 2016. godine
Sarajevo

Općinski načelnik
Nedžad Koldžo, s. r.

OPĆINA STARI GRAD SARAJEVO

Općinski načelnik

Na osnovu člana 10. stav 1. alineje 1. i 7., člana 69. Statuta Općine Stari Grad Sarajevo - Prečišćeni tekst ("Službene novine Kantona Sarajevo"; broj 20/13) i člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), Načelnik Općine Stari Grad Sarajevo donosi

ODLUKU

O UTVRĐIVANJU USLOVA I POSTUPKA ZA
OSTVARIVANJE PRAVA UČEŠĆA GRAĐANA U DODJELI
PLASTENIKA POVRŠINE 100 m² SA DODATNOM
OPREMOM NA PODRUČJU OPĆINE STARI GRAD

Član 1.

Ovom Odlukom utvrđuju se uslovi i postupak za ostvarivanje prava učešća građana sa područja Općine Stari Grad Sarajevo, u projektu Proizvodnja u plastenicima. (U daljem tekstu Projekat).

Član 2.

Pravo na učešće u Projektu ima fizičko lice (u daljem tekstu: kandidat), koje ispunjava uslove propisane ovom Odlukom, čije je mjesto prebivališta i zemljište na području Općine Stari Grad.

Član 3.

Uslovi za ostvarivanje prava učešća kandidata u Projektu - dodjela plastenika su:

Opći uslovi:

1. Da podnosilac zahtjeva ima mjesto prebivališta i da je zakonski korisnik minimum 500 m² zemljišta na području Općine Stari Grad;
2. Zakonski korisnik zemljišta (vlasnik, posjednik, nosilac prava korišćenja i drugo);
3. Da zemljište pripada poljoprivrednom gazdinstvu odnosno da je na imanju gdje podnosilac zahtjeva stanuje;
4. Broj članova domaćinstva.

Posebni uslovi:

1. Demobilisani borac - nezaposlen;
2. Demobilisani borac - penzioner;
3. Demobilisani borac - nerješen radni status (lica na čekanju).

Dodatni uslovi:

- I. Pripadnost jednoj od navedenih kategorija podnosioca zahtjeva i člana domaćinstva:
 1. Priznat status RVI podnosioca zahtjeva;
 2. Porodica šehida;
 3. Dokaz o nezaposlenosti svakog punoljetnog člana porodičnog domaćinstva;
 4. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva.

II. Pogodnost zemljišta:

1. da je površina zemljišta gdje će se postaviti platenik ravna ili veoma blagog nagiba;
2. da zemljište nije vlažno, odnosno sklono zabarivanju;
3. da nije u blizini objekata koji bi mogli stvarati sjenu na platenik;

4. da je zemljište udaljeno od glavnih saobraćajnica minimum 100 m;
5. da je u neposrednoj blizini izvorišta vode ili vodovodne mreže;
6. izjava da u ranijem periodu nije ostvareno pravo na donaciju - platenik; (uslove od tačke 1. do 6. utvrđuje Služba za privredu i finansije uviđajem na licu mjesta).

Svaki navedeni uslov bodovaće se prema posebnom aktu koji će utvrditi Komisija za dodjelu plastenika (u daljem tekstu: Komisija), koju imenuje Općinski Načelnik. U slučaju da prijavljeni kandidati pri bodovanju imaju isti broj bodova, prednost će imati onaj kandidat čiji je porodični standard niži.

Član 4.

Uz zahtjev za dodjelu plastenika potrebno je priložiti dokaze o ispunjavanju općih, posebnih i dodatnih uslova navedenih u članu 3. ove Odluke. Dodatne uslove (pogodnost zemljišta) navedene u članu 3. ove Odluke utvrđivat će Služba za privredu i finansije na licu mjesta.

Prijave na Javni poziv podnose se predajom na šalter protokola u zgradi Općine Stari Grad. Zahtjevi podneseni sa nepotpunom dokumentacijom i podneseni mimo utvrđenog roka neće se uzimati u razmatranje.

Član 5.

Kandidati koji su u 2015. godini podnijeli zahtjev za dodjelu plastenika bit će uzeti u razmatranje, s tim da su u obavezi podnijeti novi zahtjev na šalter protokola Općine, uz koji će priložiti dokaz o nezaposlenosti, dokaz o nezaposlenosti svakog punoljetnog člana porodičnog domaćinstva, ček od penzije ukoliko je podnosioc zahtjeva penzioner, potvrdu preduzeća za lica koja imaju nerješen status (lica na čekanju) i dokaz o ukupnim primanjima domaćinstva.

Član 6.

Postupak za ostvarivanje prava učešća građana u Projektu provodi Komisija. Odluku o izboru domaćinstava i lokacija za postavljanje plastenika donosi Načelnik Općine Stari Grad Sarajevo na prijedlog Komisije.

Izabrani kandidati potpisuju ugovor o dodjeli plastenika sa Načelnikom Općine, kojim će biti regulisana sva dalja međusobna prava i obaveze.

Član 7.

Rok za podnošenje prijave na Javni poziv je 15 dana od dana njegovog objavljivanja. Za realizaciju ove Odluke zadužuje se Služba za privredu i finansije.

Član 8.

Ova Odluka će biti istaknuta na oglasnoj ploči i web stranici Općine Stari Grad, stupa na snagu danom donošenja, a objavit će se u "Službenim novinama Kantona Sarajevo".

Broj 01-05-4-194/16
17. februara 2016. godine
Sarajevo

Načelnik Općine
Mr. Ibrahim Hadžibajrić, s. r.

OPĆINA VOGOŠĆA

Općinski načelnik

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i čl. 71. i 125. Statuta Općine Vogošća ("Službene novine Kantona Sarajevo", broj 27/14, i 14/15), Općinski načelnik Općine Vogošća, donosi

RJEŠENJE

O RAZRJEŠENJU ČLANA UPRAVNOG ODBORA
JAVNE USTANOVE "KULTURNO-SPORTSKI
CENTAR" VOGOŠĆA

I

Alikadić Kenan, razrješava se dužnosti člana Upravnog odbora Javne ustanove "Kulturno-sportski centar" Vogošća, sa 03.02.2016. godine, na lični zahtjev.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-410/16
19. februara 2016. godine
Vogošća

Općinski načelnik
Edin Smajić, s. r.

KANTONALNO JAVNO KOMUNALNO
PREDUZEĆE "POKOP" D.O.O. SARAJEVO

Na osnovu člana 234. tačka m). Zakona o privrednim društvima ("Službene novine Federacije BiH", broj 81/15), a u skladu sa članom 26. Statuta KJKP "POKOP" d.o.o. Sarajevo, i člana 21. Poslovnika o radu Skupštine Preduzeća KJKP "POKOP" d.o.o. Sarajevo, Skupština Preduzeća KJKP "POKOP" d.o.o. Sarajevo, na sjednici održanoj 25.02.2016. godine, donosi

ODLUKU

O KONAČNOM IMENOVANJU PREDSEDNIKA
ODBORA ZA REVIZIJU U KJKP "POKOP" D.O.O.
SARAJEVO

I

Za predsjednika Odbora za reviziju u KJKP "POKOP" d.o.o. Sarajevo, imenuje se Fadila Ibrahimović, dipl. ecc.

II

Imenovanje se vrši na mandatni period od 4 (četiri) godine, počev od 25.02.2016. godine.

III

Odluka stupa na snagu danom donošenja, a objavit će se u "Službenim novinama Kantona Sarajevo" i "Službenim novinama Federacije BiH".

Broj 03-34-361-2/16
25. februara 2016. godine
Sarajevo

v. d. predsjednika Skupštine
Sanjin Manjo, s. r.

(SI-254/16-K)

Na osnovu člana 234. tačka m). Zakona o privrednim društvima ("Službene novine Federacije BiH", broj 81/15), a u skladu sa članom 26. Statuta KJKP "POKOP" d.o.o. Sarajevo, i člana 21. Poslovnika o radu Skupštine Preduzeća KJKP "POKOP" d.o.o. Sarajevo, Skupština Preduzeća KJKP "POKOP" d.o.o. Sarajevo, na sjednici održanoj 25.02.2016. godine, donosi

ODLUKU

O KONAČNOM IMENOVANJU ČLANA ODBORA ZA
REVIZIJU U KJKP "POKOP" D.O.O. SARAJEVO

I.

Za člana Odbora za reviziju u KJKP "POKOP" d.o.o. Sarajevo, imenuje se Adem Čimić, dipl. ecc.

II.

Imenovanje se vrši na mandatni period od 4 (četiri) godine, počev od 25.02.2016. godine.

III.

Odluka stupa na snagu danom donošenja, a objavit će se u "Službenim novinama Kantona Sarajevo" i "Službenim novinama Federacije BiH".

Broj 03-34-361-3/16
25. februara 2016. godine
Sarajevo

v. d. predsjednika Skupštine
Sanjin Manjo, s. r.

(SI-255/16-K)

Na osnovu člana 234. tačka m). Zakona o privrednim društvima ("Službene novine Federacije BiH", broj 81/15), a u skladu sa članom 26. Statuta KJKP "POKOP" d.o.o. Sarajevo, i člana 21. Poslovnika o radu Skupštine Preduzeća KJKP "POKOP" d.o.o. Sarajevo, Skupština preduzeća KJKP "POKOP" d.o.o. Sarajevo na sjednici održanoj 25.02.2016. godine, donosi

ODLUKU

O KONAČNOM IMENOVANJU ČLANA ODBORA ZA
REVIZIJU U KJKP "POKOP" D.O.O. SARAJEVO

I

Za člana Odbora za reviziju u KJKP "POKOP" d.o.o. Sarajevo, imenuje se Aida Haverić, dipl. ecc.

II

Imenovanje se vrši na mandatni period od 4 (četiri) godine, počev od 25.02.2016. godine.

III

Odluka stupa na snagu danom donošenja, a objavit će se u "Službenim novinama Kantona Sarajevo" i "Službenim novinama Federacije BiH".

Broj 03-34-361-4/16
25. februara 2016. godine
Sarajevo

v. d. predsjednika Skupštine
Sanjin Manjo, s. r.

(SI-256/16-K)

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja REFORMATIO. Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo "Udruženje REFORMATIO", sa sjedištem u Sarajevu, ulica DŽEMALA BIJEDIĆA broj 70.
2. Upis je izvršen pod registarskim brojem 2105. knjiga V registra udruženja, dana 12.02.2016. godine.
3. Programski ciljevi i zadaci Udruženja su: promocija i razvoj pozitivnih društvenih vrijednosti poput vladavine prava, patriotizma, civilnog društva, socijalnog dijaloga, demokratskog razvoja i ljudskih prava; etičko-moralnih vrijednosti, međusobnog uvažavanja i saradnje; društveno-političke participacije i efikasne i odgovorne javne vlasti; privrednog razvoja, lokalnog ekonomskog razvoja, zaštite i promocije lokalnih proizvoda, poduzetništva i socijalnog poduzetništva, razvoja nauke, obrazovanja, odgoja i inovativnosti, očuvanja, promocije i razvoja kulturno-historijskih i prirodnih vrijednosti, održivog razvoja, ekologije, sporta, rekreacije i zdravog načina življenja;

provođenje istraživanja u cilju utvrđivanja i unaprjeđenja stanja u oblastima djelatnosti Udruženja; realizacija i podrška projektima u oblastima djelatnosti Udruženja; organizovanje edukacija, seminara, konferencija, okruglih stolova, kurseva, radionica i sličnih aktivnosti u cilju unaprjeđenja pozitivnih društvenih vrijednosti; razmjena iskustava i pozitivnih praksi, kao i realizacija zajedničkih projekata u okviru djelatnosti udruženja sa domaćim i međunarodnih obrazovnim, kulturnim, naučnim, strukovnim, sportskim, privrednim, istraživačkim organizacijama, institucijama vlasti i drugim licima; promocija uspješnih aktivnosti, ličnosti, organizacija, historijskih događaja i znamenitih lokacija podrška razvoju javne uprave, poduzetništva i građanske participacije; afirmacija i podrška razvoju lokalnih zajednica; organizacija druženja, posjeta, debata, izleta,

takmičenja u cilju promocije pozitivnih društvenih vrijednosti; uspostavljanje i uređivanje općih i specijaliziranih internet medijskih kanala (web stranica, društvene mreže, elektronske platformi i sl.) u cilju promocije djelatnosti i ciljeva Udruženja; te drugi ciljevi i djelatnosti u skladu sa zakonom i Statutom.

4. Osoba ovlaštena za zastupanje i predstavljanje je:
Devad Šašić - predsjednik Udruženja.

Broj 03-03-05-862/16
12. februara 2016. godine
Sarajevo

Ministar
Mario Nenadić, s. r.
(O-165/16)

SADRŽAJ

KANTON SARAJEVO

Vlada Kantona Sarajevo

- | | |
|---|---|
| 1. Odluka broj 02-05-5453-13/16 | 1 |
| 2. Odluka o visini cijene centralnog grijanja KJKP "Toplane - Sarajevo" d.o.o. Sarajevo | 1 |
| 3. Rješenje o razrješenju direktora Kantonalne agencije za privatizaciju Sarajevo | 2 |
| 4. Rješenje o imenovanju vršioca dužnosti direktora Kantonalne agencije za privatizaciju Sarajevo | 2 |
| 5. Zaključak broj 02-05-5453-20/16 | 2 |

Ministarstvo pravde i uprave

- | | |
|--|---|
| 1. Pravilnik o izmjeni Pravilnika o službenoj legitimaciji tužioca | 3 |
|--|---|

Ministarstvo za obrazovanje, nauku i mlade

- | | |
|--|---|
| 1. Pravilnik o izmjenama i dopunama Pravilnika o formiranju i radu školskih saobraćajnih patrola | 5 |
|--|---|

Ministarstvo za rad, socijalnu politiku, raseljena lica i izbjeglice

- | | |
|--|---|
| 1. Pravilnik o izmjeni i dopuni Pravilnika o općim i posebnim uslovima za osnivanje ustanova socijalne zaštite | 5 |
|--|---|

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida

- | | |
|--|---|
| 1. Pravilnik za utvrđivanje prava i kriterija za podizanje nišana/nadgrobnih spomenika | 5 |
|--|---|

GRAD SARAJEVO

Gradsko vijeće

- | | |
|---|---|
| 1. Odluka o Registru budžetskih korisnika Grada Sarajeva | 7 |
| 2. Odluka o platama i naknadama u organima Grada Sarajeva | 8 |

OPĆINA NOVO SARAJEVO

Općinski načelnik

- | | |
|--|----|
| 1. Zaključak o oprihodovanju namjenski doznačenih sredstava Ministarstva kulture i sporta Kantona Sarajevo | 13 |
|--|----|

OPĆINA STARI GRAD SARAJEVO

Općinski načelnik

- | | |
|--|----|
| 1. Odluka o utvrđivanju uslova i postupka za ostvarivanje prava učešća građana u dodjeli platenika površine 100 m ² sa dodatnom opremom na području Općine Stari Grad | 14 |
|--|----|

OPĆINA VOGOŠĆA

Općinski načelnik

- | | |
|---|----|
| 1. Rješenje o razrješenju člana Upravnog odbora Javne ustanove "Kulturno-sportski centar" Vogošća | 15 |
|---|----|

KANTONALNO JAVNO KOMUNALNO PREDUZEĆE "POKOP" D.O.O. SARAJEVO

- | | |
|--|----|
| 1. Odluka o konačnom imenovanju predsjednika Odbora za reviziju u KJKP "Pokop" d.o.o. Sarajevo | 15 |
| 2. Odluka o konačnom imenovanju člana Odbora za reviziju u KJKP "Pokop" d.o.o. Sarajevo | 15 |
| 3. Odluka o konačnom imenovanju člana Odbora za reviziju u KJKP "Pokop" d.o.o. Sarajevo | 15 |

"Službene novine Kantona Sarajevo" - Izdaje Kanton Sarajevo - Redakcija i administracija: JP Novinsko-izdavačka organizacija Službeni list BiH - Sarajevo, ulica Džemala Bijedića 39/III - Poštanski fah 3 - Direktor i odgovorni urednik: Dragan Prusina - Telefoni: Centrala: 722-030 - Direktor: 722-061 - Pretplata: 722-054, faks: 722-071 - Oglasni odjel: 722-049, 722-050, faks: 722-074 - Služba za pravne i opšte poslove: 722-051 - Računovodstvo: 722-044, 722-046 - Komercijala: 722-042 - Pretplata se utvrđuje polugodišnje, a uplata se vrši UNAPRIJED u korist računa: UNICREDIT BANK DD 338 320 22000052 11 - VAKUFSKA BANKA d.d. Sarajevo 160 200 00005746 51 - HYPO-ALPE-ADRIA-BANK A.D. Banja Luka filijala Brčko 552-000-0000017-12 - RAIFFEISEN BANK d.d. BiH Sarajevo 161-000- 00071700-57 - Štampa: Unioninvestplastika d.d. Sarajevo - Za štampariju: Nedžad Šadić - Reklamacije za neprimljene brojeve primaju se 20 dana od izlaska lista.

Upis u sudski registar kod Kantonalnog suda u Sarajevu, broj UF/I 2168/97 od 10. 07. 1997. godine. - Identifikacijski broj 4200226120002. - Porezni broj 01071019. - PDV broj 200226120002. Pretplata za I polugodište 2016. za "Službene novine Kantona Sarajevo" iznosi 80,00 KM.

Web izdanje: <http://www.sluzbenilist.ba> - godišnja pretplata 200,00 KM po korisniku.